

清容居士集

七

清容居士集卷第七

古詩七言

煮茶圖 并序

煮茶圖一卷髣石憲史處州燕居故事
所作也石憲諱文卿字景賢外高祖忠
定王曾孫儀觀清朗超然綺紈之習聚
四方竒石築堂曰山澤居而自號曰石
窻山樵此圖左列圖卷比束如玉筍錦
繡間錯旁有一童出囊琴拂塵以俟命
右橫重屏石窻手執烏絲欄書展翫疑
有所構思屏後一几設茶器數十一童
偃背運碾綠塵滿巾一童篝火候湯蹙
脣望鼎口若懼主人將索者如意塵尾
巾壺硯紙皆纖悉整具羽衣烏巾玉色
絢起望之真飛僊人予意永和諸賢放
浪泉石當不過是而其泊然宦意翰墨
清灑誠足以方駕而無愧甲午冬十月
其孫公疇出以相示因記而賦之以發
千古之遠想云

石窻山樵晉公子獨鶴蕭蕭煙竹裏月湖



一頃碧琉璃高築虛堂水中泚堂深六月
生涼秋萬柄風搖紅旖旎遵南更有山澤
居四面晴峰插天倚憶昔王門豪盛時甲
族丁黃總朱紫曉趨黃閣袖香塵俯首脂
韋希雋美一官遠去長安門德色欣欣對
妻子豈如高懷脫榮辱妙出清言洗紈綺
郡符一試不挂意岸幘看雲卧林壑平生
嗜茗茗有癖古井汲泉和石髓風回翠碾
落晴花湯響雲鐺袞珠藥齒寒意冷復三
咽萬事無言歸坎止何人丹青悟天巧落
秋水

贈張玉田

循王五世孫
來鄞設卜肆

將軍金甲明如日勒馬橋邊清警蹕淮壩
徹衛羽書沈置酒行宮功第一蟬冠熊軾
填高門英英玉照稱聞孫張鑑號約齋百
堂名玉照
年文物意未盡玉田公子尤超群紫簫吹
殘江水立野雉驚塵暗原隰夜攀雪柳踏
河冰竟上燕臺論得失丈夫未遇空遠遊

秋風浙瀝銷征裘翩然騎鶴歸海上一笑
相問誇綢繆兩曜奔飛互朝夕璇府森芒
蠹莫測要須畫紙為君聽落筆雌黃期破
的壺中白日常高懸道逢落魄呼醉眠清
歌停雲意慘淡倚聲更度飛龍篇

題子昂浴馬圖

首着原空雪新積群馬飢鳴渡江食大梁
公子心未平一匹宛駒萬夫敵圍人初浴
意氣增跨轡已晚知無成雲窻徘徊悄無
語掩卷索索猶風生

送倪德進歸番易

書眸的的垂玄珠辯口落落傾冰壺寶刀
挂壁指閭闔扁舟挾浪辭東吳低昂忝未
故流道隱沒桑棗遺宮墟仰看浮雲勿復
語俯視逝水誰為圖天衢晴塵接冠蓋石
室古簡搜盤孟大宜置身並班馬小却論
事追唐虞懸知擔簦要有得永愧折簡終
難呼深春無人碧桃靜落月在屋冥鴻俱
歌聲清琅振金石筆意橫逸搖璜琚苦心
寧為爨下木怙首不作轅中駒牛毛取士

固當走魚目眩世徒爭姝平原飛埃宿麥
盡長河奔潦柔桑枯還家勿陳賈生策閑
戶趣著神農書相思我亦返屠肆靜念子
豈淹田廬

送僧德芬過松江

海門山人捐竹杖笑指飛濤挾雙槩雲間
鶴唳耳不聞洞下龍歸夢猶想我聞諸天
亦官府一息塵寰總調御黃花滿院人跡
稀霜月離離在前戶

憶陳道士

空巖羽人氣為祖玉立秋空振玄古酒酣
高嘯裂行雲直上釣天聽漢武白雲一去
誰遺情掉首不問人間名當時雙瞳傲餘
子猶有翰墨傳孤清紫綸交馳丹闕下人
道山中多僕射黃金蛻骨碧藤深夜半寒
光明月價飛鳧縹眇山鬼靈蕙殺一薦端
貴誠欲從桂父乞僊露虛牝田激笙竽聲

病馬圖

青絲屈曲長安道卓午歸來廐中老側身
仰天思遠遊口不能言顏色悄奚官却立

深有疑侶言非病那用醫願乘長風迅絕
足一息八極歸瑤池

次韻張伯雨梅花島

雲屏油幕低覆垂晴日倒映黃琉璃孤根
自有巖壑趣屈曲緹室情依依魏莪青女
來藥珠赤脚獨立層冰渠燧人當陽朝寶
鑑金胥族陋催銅壺何人胷中藏九島內
火迴環不知曉咄嗟已辨天機深頃刻能
成化工少陰陽在手司帝春坐窻更試明
窻塵江湖遠涉汝良苦門外萬竅笙竽吟

清容居士真卷七

五

次韻渭川春玉圖二首

至人虛心實其腹手種琅玕如種玉晴雲
散墨春思浮咫尺經營千畝足清標亭亭
儼矜絜笑脫斑斕賜膏沐揚旌植纛神君
遊萬籟無聲江水淥此君之志那可量榮
辱相忘在空谷大冝蓬萊之三山小冝武
夷之九曲前如綺園歌紫芝後若夷齊侍
孤竹隕麋之墨清且竒脫落玄黃乃真目
幽齋尸居耿相對有客叩門深絕俗天空
日沈碧雲湛細酌寒泉毫秋菊夢迴倚杖

森在廷燁燁雙瞳鬢深綠
瑤林群僊歌捧腹解帶蘭皋捐佩玉深知
五采眩空花守墨空巖思濯足層冰急雪
成九轉重露輕煙方一沐湘君寶瑟調初
絕唯見遙峰蘸寒渌長空旋宮起萬籟翠
袖無言守山谷紛紛落葉漫渭水耿耿殘
花守韋曲論功歲晚端有意深愧群英不
如竹森然壁立聯堵墻變化淋漓傾衆目
高人宴坐不出門一榻常懸謝囂俗每令
此君當上坐末席餘清友松菊回首故園
新雨晴無盡春風吹草綠

忍恕堂

大都袁氏

汝南堂堂卧雪翁飲寒閉戶稱高風吳相
亡何不知止二石醇醪能脫死吾宗高標
兩都史餘子紛紛那足比人生遇事何強
嗔百年歲月籠中身水清之魚鈎滿餌白
鶴出林紅鶴忌君家兄弟如聯珠熟視不
語疑模糊連理之木多慈烏大兒拱立群
雛趨家僮大勝千木奴冬園芋栗夏芙蓉
壺有美酒架有書不識喜愠真何如門前

駟馬填華裾

飛鴻軒

新安胡則大

冥冥天機衝紫霄炎洲雪嶺窮遊遨鷓鴣
一枝掩目避始信懷土非吾曹勞生貴賤
各有適攘臂何人限南北三足之烏今不
停寒暑周迴短長刻

李士弘枯木風竹圖

為王隆陳
又新作

狂蛟舞空蒼髯拏雙鐵蒙頂雲交加亭亭
霜標不受侮慘澹天籟扶槎牙西山古淵
人莫測一柱承天萬牛力會須截玉化陂
龍拂拭苔光遺劍跡

題茅山道士雪梅障

積金峰頭雲五采天女行空散珠琲為憐
絕壑一枝春玄墨敷調增蓓蕾因風飄零
顏愈真竟日霾蔽氣逾倍油燾紛紛成素
旄積鐵離離增練鎧坳如側杯頰承露亂
若銛刀續剪綵雙龍挾鞞擬欲上萬馬飛
塵卒難挽高齋鍾磬日未暎徒倚橫斜眩
銀海憶昔西湖極遊歷真與逋仙澆鬼磊
後知色相端有空百念灰心付真宰我我

茅君儼不死秦帝嘉平年首亥精思萬林
元炁存衆卉群芳羞皚皚閉門緹襲坐蒲
團長恐夜深風雨改

廣信奚君靜能家鵝湖以太府掾
出補南康簿予慕其仕止皆武夷
先生講道之地叙言其異同幾於
贅因成長句亦欲知夫先賢箴警
非二途近世學者駸駸虛玄則知
武夷晚年持守之論非矯可不慎
諸

鵝湖盡日鐘磬清不聞昔時絃誦聲愛君
卜居在其側編簡插架猶談經當年群公
水蒼珮粲粲寒芒德星會投壺雅爭非世
情餘子承風增毀背康廬招提無極篇希
夷入道從茲傳百年脣吻互朝鄙經緯妙
密同先天兩地斯文實元氣宦遊家居總
竒事稽古紛綸三萬言顏生屢空心晏然

次韻王道士

丘真人弟子其韻不
雅馴姑答其意

潭潭古僊浮玉顏憫世壯志金城堅丹霞
紫壁接霄漢過客吊古猶思賢王君碧瞳

水蒼珮深恨望諸書絕燕丘公蟬蛻七真
化青史誰能繼二班

送馬季權之官平江州

碧梧丞
相兄子

咸淳十載兵塵高漢江之水纔容舫眈眈
太傅亂天緯權船兩翼鳴春濤中書蛛絲
守空印片紙除書魚貫進相府門前青草
深破席踈簾雙白鬢扁舟疾走歸番江百
城破竹爭迎降紛紛成敗付野史玩芳孳
卧唯軒窓往事淒迷踰四紀華屋空梁歸
逝水洞庭木葉三閭愁淮南桂叢八公死
京城即今相邂逅傾盖忘年總論舊潁州
推官家譜傳岳陽樓頭水浮天

宋誠甫押送交趾使之武昌

飄飄蒼珮乘風來下視漢水如浮杯坡陀
環堤舊亭障鐵笛穿石聲崔嵬武昌之魚
不可食昔人作歌何寂歷隔江小城大如
斗枉使邊軍暖鋒鏑古來相傳用武地今
作薇垣鎮官吏猩血繁纓金齒來犀皮屬
甲雕題至碧瓦門深鼓角高羅庭椎髻聲
嗷嘈銀甕蒲萄雲葉重錦氊叱撥風花驕

深知王臣有竒筭蠻使低頭輸密款勸君
莫登黃鶴樓勸君莫停鸚鵡洲黃鶴之人
白雲杳鸚鵡之客蒼煙愁愛君手中青鏤
筆能寫牙籤三萬帙迄今舊史難整齊屢
屈先皇詔頻出玉堂日正槐影長汗青之
簡光熒煌請君直書亡國事還作觀風窠
字記

送濮陽陳景臯之官忻州

陳侯直氣摩青雲天馬脫駕羞駑群毳袍
昌言高坐聳餘子俛首早塵氛探囊竒策

清容居士集卷二

十一

得要領炙轂妙語通氤氲京城久居閱冠
蓋酒觴棊局忘昏昕平生植竹嗜好古膏
沐服食童顏醺往年濟陰試敏手桑柘戢
戢春田耘政成烏府考上上擊鮮釀秫歸
榆枌窮冬邂逅色骯髒近錫符竹州名忻
自耳骨鯁任獻納或佐輦轂輸忠勤群公
歎息各賦詠跋馬操袂愁離分緬思河東
舊雄鎮甲騎出塞宵踰汾即今樓臺歌響
集棗下纂纂紛紅裙愛君胷中人物論發
硯破的無虛文蓋公之堂本清淨解帶卧

治収竒勲此君相從匪朝夕晝簾煮茗看
鑪熏

送湯道士降香武當山

紫衣山人眼如月朝捧天香辭鳳闕柳絲
輕拂桃花驄屈曲層巒過俊鶻澗中黃銀
如僕姑清淺閃爍隨菖蒲水流東南天轉
北橐籥妙化誰為圖沉沉玄帝道淵默手
握神機合無極密調六氣佐璇璣魑魅潛
藏百神職暮春之初傳降靈閱世已久難
稽評龍虎之章端莫測龜蛇之光杳無跡

清客居士集卷七

二

過高郵湖

七十二湖春浪濃風刀剪霰跳玲瓏參差
凍柳皂纛重偃首俟命朝珠宮淮南田父
身龍鍾灼龜瀝酒占年豐舊秋積水挾豐
隆長魚揚鬢蒲蕩中桑顛高下棲冥鴻黑
禾生耳隨飛蓬瓢囊扶携出城東
至治天子達四聰詔書寬大蠲民農秀麥
拳拳翠織茸赫日出海扶桑紅歲熟於酉
年相逢擊壤鼓腹歌時雍展牲美報湖神
功

趙昌荷花

我家東湖三百頃，瑞錦縱橫綠雲凝。森森
曉氣天香飛，星斗光沈水花淨。遠如嬰兒
脫文縵，近若胎僊臨玉鏡。瓊杯欲側兩絲
垂，金掌初調露珠定。盡將機心付鷗鷺，小
雨輕煙穿短艇。京塵烏帽二十年，夢入滄
洲寄清興。趙生畫意不畫格，淺粉輕砂養
真性。韜精斂容羞自陳，三沐無言月華靚。
邇來馮於號能事，老嫩風晴毫髮證。玄黃
已辨神俊枯，逐影之人道中病。高堂視此
青琉璃，香色俱忘保清靜。

京尹旌門

泰山之溜石可穿，磨磚為鏡不問年。人生
作事貴苦堅，砥節厲行通蒼天。武清之祠
世所傳出，門重趼神已憐。五里一堠拜漸
前，寶鑪當曾起霏煙。念我母疾醫難痊，帝
叱二豎沉諸淵。秀眉鶴髮人中僊，伯仲叔
季舞蹁躑。脩齡已盡，銜苦冤烏傷。栢慘羅
墓田，劉愷丁鴻孰為賢。煌煌神州風化先，
槐柳表道綽楔懸。搢紳交喜聯序篇，太史

屬筆慙非椽

乘鸞吹簫圖

繆公荒淫亂天紀
纍纍宮中四十子
懷羸復作重耳妻
區盥相揮國深耻
娉婷弄玉誰復看
參差窈窕能合歡
築臺虛聲出天外
詐言後夜同乘鸞
人言神僊能不死
橐泉之墳露遺址
哀哀黃鳥飛復來
良藥刀圭竟誰致
高辛之女隨盤瓠
漢愁匈奴遣公主
一身能解百城圍
鄙計咿嘍笑千古
天台之事尤荒唐
劉郎阮郎歸洞房
石橋雲深樛木骨
披圖相看儼同傳

清容居士集卷七

三

雲岡圖為王叔能作

白雲晃晃虛飄飄
群峰磊砢通危橋
蒼髯側挂截地脉
素練直下來山腰
是中樓閣誰所居
翠篁高拂寒光遙
憑虛望遠意莫盡
振衣獨立搏扶搖
王侯出守山水郡
逞懷盤礴窮清寥
一日不見輒憤憤
卧遊想像歸生綃
信知俗子謝不去
濟勝有具難為招

贈吳江宗尉

太湖三萬六千頃，穉穉秋風政相並。吳船
跳擲如飛梭，鳧鴈參差白雲影。連年田舍
無炊煙，吳船出沒平湖前。縣官打衙入湖
去，弓刀夾棹魚升天。元憲之孫為少府，岸
憤看山揮玉塵。飛蝗避境虎渡河，吳船雖
多柰我何。

與相士王月屋

世途紛紛黑如漆，暗中摸索端有術。何人
竊藥廣寒宮，碧眼淋漓論得失。麀頭之子
藍且醜，牙籌夜深鬼神守。麟臺功次不論
渠當道，相逢須疾走。

廬陵梁醫濟生堂

上池之水人莫識，三揖東華借餘瀝。瞳光
透碧千里懸，二豎蒼黃離衽席。南康昔有
劉神醫，鶴骨變化芝朮肥。入門逆意望且
走，吾今見子同其機。

次韻史允叟檜屏

蒼雲之根百歲植，巧匠屈曲空揉蟠。淨如
翡翠立亭下，矯若么鳳依闌干。崢嶸要使
頭角出，鞭霆駕電超雲端。扶春萬條豈不

好猥瑣籬落迎霜殘君不見姚江參天兩
雙檜至今風雨之夜猶清寒

越王尉餘姚嘗植雙檜於尉治

次韻蔣遠靜

蔣氏祖五代末與僧為友僧落魄乞食市中六七兒常負囊從之一日與蔣浴江中視其背有目蔣驚異是日僧化去迺彌勒也留布囊與別且云蔣氏子孫當代有進士

唾壺塵尾手所持白眼對客客不知出門
俗子多敗意三語之掾真吾師曉窗新沐
綠陰淨碧雲竒峯生九疑隔隣書聲入幽
耳茶甌散花酒浮蟻百年行樂在適意燕
領頭顱空萬里君不見燕山俠客多苦寒
出門悲歌來日難

清容居士集卷七

五

同龕彌勒誰總持沙上偶坐忘所知布囊
相傳陋七葉密記端是人天師愛君清言
漱金石酒酣硬語輕丞疑亦知造物端戲
耳一室尸居旋磨蟻東鄰花發西鄰歌咫
尺相思隔千里陳郎之約不可寒我眠卿
去人所難

廬江羊孝子兵難時兄弟三人與
其母被掠為奴後十年復得完聚

郡表其閭

君不見觀津竇廣國傳舍沐頭深記憶時
來徒步入長安握手相看淚如滴又不見
杜羔孝感為尚書兵前失母長歎歎一朝
老嫗忽邂逅郎君玉貌猶吾夫淮源鐵騎
排雲來戰骨積雪飛寒灰小兒纍纍繫馬
尾鬼妾赤脚驅車迴黃塵漲空日將暮母
子弟兄不知處只今總是太平民那識當
年亂離苦人言缺月定有圓馬能生角石
可穿亭亭高門拱槐柳更灑鴻筆傳青編

送潘元卿績溪邑諭

清容居二集卷二

二六

君不聞黃山種松法纍纍如珠齒如髮十
年拱把百年梁華表相看化鑿魄又不聞
婺源之山高入雲黃流夜作河漢奔醜渠
漩渦濟川具怙首萬折歸天門魯中之壁
神所惜龍馬成圖帝為錫韋編索隱年益
耆此道誰言深默得紫陽老人心曾高番
髮執簡窮秋毫即今羣經束高閣上擬混
沌中唐堯拱手臯比立環堵哆口紛紛角
門戶君看黃山之松婺源水師友根源政

相侶

次韻黃松瀑自廣信見寄

開元天子書石經雉頭焚却邊宇寧合宮
宗祀廣致敬底用物馬登云亭林林碑臺
刻新出嘉禧殿前稱第一小臣捧
詔渡江南薑尾渠眉耀晴日裝成分賜諸
王宮餘墨淋漓遍孤棘古文偽出今文訛
斷簡誰能究佔畢黃僊盡日鉛槧忙語言
冰雪容堂堂明時孝治邁千古願借鴻筆

歌陶唐

時奉

旨刻八分孝經

清容居一集卷七

七

題黃居寀蒼鷹擊雉圖

坡陁肅秋塵四起逆風雉飛疾如矢蒼鷹
矯矯凌空來注目穿胃紅披靡山雌藏頭
入荒篠回視其雄端一死玄雲摩盪寒光
浮側身翻雲轉輪翅急如冠軍赴猛敵緩
若計士歲深智蜀山魏高翠周匝狹徑交
衢不容駟黃生養之愛神俊勇氣縱橫怒
盈骨想當落筆望平坂回首當關真劇戲
君不聞箕裘可學端有傳諸孫射生養殘
年黃筌養鷹學畫鷹諸孫皆成獵師

送廬陵陳存道赴廣州教授

君不見端平崔相國竹杖角巾老辭蜀清
名高節耀千古寒菊孤香出林谷又不見
咸淳張狀元落落大對三千言流離抱忠
葬魚腹要使名字傳遺編即今聲教震南
朔此州文獻端磊落荔枝一色紅雲蒸葛
蒲九節清溪明當年中州人物論風度曲
江之公唐帝顧吳儂僮父互譏評坐使官
曹異銓注吾聞八桂山峯如玉簪衣冠之
氣連青雲穹龜負碑百神拱色羊跨乘群
僊尊翩翩陳子天都客萬舞充庭考金石
笑觀滄海陋浮漚鵬飛暫作天池息

送毛道士降香嵩衡淮海

我所思兮在嵩嶽神清之洞何駭愕參差
弄月秋氣高王子飄飄醉騎鶴少室山人
蕙帳空君今駿馬凌春風山中齊聲呼萬
歲我欲同君學蟬蛻

我所思兮在衡山重華玉珮聲珊珊芙蓉
石床秋水冷木葉飛燈光耿耿軒轅道士
人不識澗底拾薪鎔白石我欲與君上九

疑萬民樂康明聖時
我所思兮在桐栢寥寥帝鄉今莫識潛流
倒注平淮成天塹曾為萬人敵金龍護簡
帝令森蜥蜴俛首穹龜沈我欲與君探其
底五兵長橐樂平世
我所思兮在南海鐵網珊瑚援手採沈沈
雲氣方壺深絳節神君侶相待海中颺母
方頑癡朱書短扎能捕之此中竒觀通扶
搖吾欲與君觀沃焦

贈番易劉生振

清容居士集卷七

元

我欲贈君珊瑚枝君言不如貽我雜組韉
我欲贈君懸黎珠君言不如貽我盤盂書
長衢飛塵日卓午觸暑東遊角江滸目光
陸離衝紙背徑上河源窮織女龍圖龜書
杳無跡弄丸冥搜矢穿的空林看天無底
青虛室生雲十分白幽蘭叢深不當戶盤
露凝膏敵瓊醕泰山積溜石可消鐵硯玄
花散晴乳林林白袍校詞藝鷓鴣淬鋒儼
初礪身同蝶化入寥天欲伴飛僊更斫桂
彤庭會弁開祥雲河日海口真天人昂昂

曾中治安策慎勿謾與深彌綸萬里之行
生足下黃河層湍及奔馬參差柳色暗皇
州龍榜高懸動朝野

句曲山迎真送真詞二章

往歲在翰苑嘗草三茅君制書
近張伯雨道士寄示陸魯望句

曲山朝真辭二章蓋每歲大茅
君十月二日相傳縣天台歸

茅山春三月十八日復歸魯望
所製迺十二月而三日獨缺子

不揆用韻以補後章繹繹字書
即繹字古率字作率呂道士過

三茅因書以寄且為異日朝真
之資伯雨詞氣清簡必以予言

也為陋

清容居士集卷七

二

參差窈窕行雲急翠旌飄飄露華濕神君
夷猶疑未來矯首精思各山立瑤臺章徹
星斗冷碧扉丹透紅流影春雷迸壑人不
知獨鶴眠松已先醒

右迎真

妙顏朝迴寶衣解乘龍高駝賦遶邁山中
老人年送迎一酌寒泉過玉瀼翠氣紛霏
森孔蓋挾以流鈴光繹繹帝子高歌歸去
來白月追雲送飛珮

右送真

龜蒙詩云九華磬答寒泉急十絕
幅擬翠微濕司命旂未下來焚香
拖簡疑神立殘星下照霓裳冷缺
月纔分鶴輪影空洞靈章發一聲
春來萬壑煙花醒紫雲鳳髻飄然
解玉鉞玄竽儼先邁朝真弟子悄
無言再拜碧杯添沆瀣火鈴跳躍
龍毛蓋腦髮青青赧緯緯萬象消
沉一瞬間空餘月外聞殘珮

贈呂與之

碧窓獨對中秋月
侶怪腦華雪霜白
瘦筇直上大茅峰
長吟冥思啓玄籥
綠蘿丹騰紅欲走
我欲拾之難在手
嗇精超形朝紫宮
下視塵寰等蒼狗

送瞿伯器還吳

輕鷗不受機心縛
良馬端隨敏手馳
鄞江井邑十萬竈
簿領積几窮緒披
瞿君坐曹談笑決
長官驚誇里閭說
豈惟煮茗挹清風
復解停杯問明月
澄江雪浪催歸舟
洞簫聲咽行雲留
明時掄材在濟用
佇看公府交章酬

竹素園

緗帙不作飛白體
漆簡端微殺青書
哀哉瀛王兔園冊
自比稷禹今何如
陳生歌聲夜漫漫
手織雲錦餐琅玕
丈夫書功夙有

顛蕩節束帛光丘樊

松聲樓

層樓突兀觀芸芸萬籟沈寥天地分初如
盤車出層巘宛若幽磬穿孤雲上方禪寂
念不起但見白鶴來繽紛金鐘風篁儼相
答有客掩耳元無聞

阮受益携郭功父杏山詩來求題
迺知為名門所作因次韻

葛翁迎曦侍東皇笑指梅根之陽岡手揮
桃李植文杏春至古澗流紅香杏華飛時

清容居士集卷七

三

爛林谷錦繡為天漫翠木即今不識空陂
龍猶指當年舊乘鹿紛紛機事危黃間彼
艾之植誰猗蘭青松迴風太古籟移居之
老時回環兩曜跳丸今幾載阮氏隱居端
儼在金章紫綬先譜承鴈塔龍門耳孫待
翩翩俊翮海門山我欲挾之周九寰精思
羲皇粹六籍迄願閉戶窮鉛丹支辭濫說
眩嫫母正色危坐當前顏神僊之說不可
學月窟謹視環中環

送林以道歸括蒼

書生作官端作勞
撫拾歲月如聚毛
行年六十甫墨綬
又見納祿還林臯
磻溪之翁誠有道
采芝妙顏夸不老
明時貪賢在壽俊
未信吾徒竟衰槁
君家周官擅彌綸
經緯表裏通天人
那能望塵拜太守
振衣黑髮前旒陳
松花霏霏散黃霧
春盡還家美無度
篝燈讀書目光曙
承明之廬我當佇

題明皇擊梧圖

胡兒手持玉環侍
君側睥睨阿環非
一夕宮中秋葉奏
清商笑擊孫枝工
按抑嶧陽之材雲
門曲能使薰風生
衆綠如何促召羯
鼓催鬪紫妖紅
看不足馬嵬坡下
催進程琅璫檀板
悲霖鈴緬思康衢
擊壤叟帶索行歌
不知老

清容居士集卷第七



清容居士集卷第八

歌行

吳船行

吳船團團如縮龜終歲浮家船不歸茅檐
 舊業已漂沒一去直北纔無飢清晨煮茶
 茶味惡薄暮熬壑壑力薄不憂江南雲氣
 多止畏淮南風雨作去年水淺留金溝今
 年水深上新州終朝但知行客苦盡歲不
 識離家愁大兒跳踉新九歲小兒學行蓬
 作地維舟未解石舟牢盡日彎篙仰天視

清容居士集卷八

一

吳人不解石舟終日操篙 船頭娶婦通姻譜知是淮南
 捕魚戶寄語鄉儂莫怨尤它年水深為汝
 憂

淮船行

淮船船薄薄如紙客行船頭怒如鬼布衫
 漆黑鶻雙拳邂逅相爭渾欲死船長不識
 丹艧巧却識江雲侶飛礮風來急鼓響鼙
 鼙轉艣爭篙復喧鬧淮東燒鹽白如玉我
 船輕行一萬斛淮陰米麥如京坻我船破
 浪帆如飛為語吳儂莫相勝昔日汝輩同



嬰兒蜿蜿淮山起晴翠船已辭鄉不相對
轉蓬它日望江南猶勝當年吹出塞

越船行

越船十丈青如螺小船一丈如飛梭平生
不識飄泊苦旬日此地還經過三江湖來
日初晚九堰兩湄河未滿當時却解傍朱
門醉眼看天話長短年來官府催發網經
月辛苦鬢已霜布裘漫作解貂具入門意
氣猶猖狂自古魚鮭厭明越明日今朝莫
論說買魚沽酒不計錢被髮江頭傲明月
勸君莫作越船婦一去家中有門戶沙上
攤錢輸不歸却向鄰船盪雙橈

清明行

東風吹柳鵝眼新家家清明忙殺人微雲
細雨作春色輕車急馬團飛塵大墳崇臺
甃花石新檜珠幢當戶植小墳纍纍俱土
堆高下尊卑人莫識豚肩韭餅雜珎味水
飯飄零多古意把杯直欲酹重泉頰首填
膺下真淚須臾無言各環坐折柳攀桃爭
噉炙新愁已向眼前寬舊事翻疑夢中過

行客徘徊亦留勸薄暮狂歌下前坂悲歡
盡日總春風白髮年年不知換君不見江
南卿相墓五鳳飛樓鎖煙霧諸郎錢癡恣
歌舞不識當年出勤苦楊花飛盡猶不來
空有啼鳥滿荒樹

河船行

黃河之船如切瓜黑金鋪釘水爬沙高桅
不肖著船底四面綯索相交加輪困薪橐
浮山來淮船爭避吳船開往回南北任衣
食不學蕩子多嫌猜好風千帆亂流去我

清客居士集卷八

三

獨抱辛走行路從來宴安多後虞一失天

公不相顧解凌已過桃花來

黃河正月為
解凌水二三

月為桃
花水

沂流九曲揚飛埃不聞赤鯉上天

上但見魚鼈爭喧逐船前養驢豕同圈借
力於驢共牽挽莫嫌我鞭太麤毒大勝江
南人代畜

鞦韆詞二首

鞦韆高整垂楊樹紅綠周遭華表柱誰家
女子惜餘春東擲西拋不停住不停住日
將暮莫送飛花上天去雲間緩聽玉參差

為問乘鸞在何處
河外吹沙沙袞塵鞅
韉架上望行人桃花
柳綠今如許卻背春
風踏沙路踏沙路不
歸去流鶯紫燕驚相
語明日清明應未知
回首江南夕陽暮

天祿硯滴歌

為瓠山
參議作

君不見南陽宗資墓
傍地刻石棱棱絕相
似荒榛暗草風雨頑
墨本摩挲了無意又
不見光和玉堂銅作
模爬沙引水如渴烏
清流我輩不堪用空
與乳臭供歡娛那似

清客居士集卷八

四

南唐李中主玉軸牙
籤日容與聚金為寶
化黃銀一寫形模足
纖鉅口銜紫芝不敢
茹微捲清波恣吞吐
千年異質變真態晝
日書窗起煙霧慵軒
老人金鑿仙筆底萬
斛醜清泉坐令口吻
不敢燥俛首效用誇
無前麒麟瑞世那可
忘獬豸觸邪誰願憐
要知此意政相類肯
與石鼎同烹煎憶昔
漢家劉生滯空閣青
藜一星隕飛魄彼將
辛苦了殘年猶勝時
人譏寂寞江南病子
塵滿骨萬事無言成
鶻突願求一滴洗餘

昏却怪王公無長物

新安芍藥歌

送胡伯恭之婺源

洛陽花枝如美人點點不受塵土嗔輕朱
深白鑄顏色高亞綠樹爭精神那如新安
紅芍藥透日千層光閃爍碧雲迸出紫琉
璃風動霓裳凝綽約我聞種花如種玉盡
日陰晴看不足微雲澹蕩增寵光細雨輕
濛賜湯沐何人看花不解理香雪紛綸手
中毀酒酣跌踢空低昂得意須臾竟如此
翩翩驪驥雲中君愛花直欲留青春青春
如流欲歸去明年看花君合住

天瓢歌

天瓢之液如黍珠緹以十襲拱萬夫帝青
寥寥誰可上回風扇坐揚焦枯何人夜坐
守瑰室九關清嚴集虛一河車歷錄雲迴
環帝鼓奔騰山鬼泣中有一老翁絳旂朱
幘鞭飛龍手持赤字書直入玄冥宮取瓢
上天去羲和側馭追豐隆人言此瓢不易
倒瞬息人間成浩漑聊將戲劇轉清涼玉
散珠跳為渠好積神為寶寶乃成語默變

詭通僊靈丹臺紫府杳無跡丁公壬女徒
多名張侯之妙不可詰見月入水月豈濕
解衣倚樹寒滿襟遠視銀河暝如漆
晉寧丁節婦歌

明月何團團不照孤飛鸞妾心無虧盈留
作白頭看堂前青桐樹慈烏旋繞來無數
朝引三兩雛返哺日落聲嗚嗚誰人挾彈
闕我烏守樹長泣眼為枯人生莫作陌上
花東風飄蕩隨泥沙望夫之石何亭亭不
如長衫立素屏流梭夜織燈青熒黃姑側
聽中屏營天帝與植雙桓楹木盤可鑽河
可塞千年苦心誰復識

哀牢夷

送張子元僉事雲南

哀牢夷蒼山疊翠雲無梯洱河西傾去無
底晴日倒射紅琉璃相傳沈木兒背坐曾
遨嬉築城蜿蜒侶龍尾千古髯君乃其始
縛繩駕長橋皮船中蕩搖危巔石樓高百
尺子孫生長今漁樵空林明月手可拾仰
飲飛流鬚髮濕寒藤胷徑側足行飢猿兒
啼鼠人立慘淡虛無間鳥道開人窠峨眉

東望止一髮參旗玉井閃閃上下隨躋攀
君不聞木皮岡前九折坂客行胡為車欲
返又不聞青溪關上三碛城纍纍戰骨耕
未平輕家許國要有道矍鑠是翁誇不老
張公子當有行繡衣青春照瓊英笑跨紫
燕辭天京朝餐五粒之松子暮食側生紅
入齒從來蠻客尊漢官但飲亡何端有理
南飛鴈足何憧憧不能與日隨西東相思
望君日西下去天一握疑有雲氣時相通

安南行送李景山侍郎出使

清容居士集卷八

七

輶軒使者安南來紫泥封詔行風雷濕雲
翻空海波立鐵網山裂狂蛟摧神京煌煌
鎮無極火鼠燭龍窮髮北彈丸之地何足
論蚯蚓為城霧為域瘴江如墨黃茅昏群
蠻渡江江水渾千年白雪不到地十月青
梅猶滿村赤脚搖脣矜捷鬪竹箭藏蛇雜
猿狖崛強曾誇井底蛙低徊自比泥中獸
龍飛天子元年春萬邦執壁修臣鄰朱干
玉戚廣庭舞笑問銅柱今何人君不聞重
譯之人越裳氏有道周王輸白雉又不聞

防風之骨能專車神禹震怒行天誅李侯
桓桓水蒼珮舌本懸河四方對後車並載
朝未央稽顙九拜乞取金印歸炎荒

次韻黃可玉古墨行

寶刀曉割千歲松神膏摩盪長藥工明窓
飛塵散玄粉七劑直與黃金同澄心欠伸
初睡起綺疏碧芽烹火龍金星濡毫試輕
重雪跡點點留羈鴻嘗聞老奚對膠法經
月下擲清池中蟄如寒蛟纏鐵柱霹靂光
紅與神遇晴暉淡蕩浮雲陰咫尺鍾山隔

清容居士集卷八

八

朝暮潘郎再拜口流涎手揣不敢汗其羶
睿思殘珪密封識舉世那得窺完全絕憐
江南文治極清賞沈著忘籌邊玉清莪莪
墨卿泣此寶脫幻今無傳星灣寒泉白雲
宅中有舊物懷杯圈銅魚飛符不易合金
釵留股那有緣撐腸拄腹貴善用知白始
解玄中玄暮年長物等嚼蠟借此寓意哦
詩篇鄭公諸孫保遺笏滌志黽勉窮韋編
慎勿小智窺寥天嗚呼李生之墨三百有
幾年不如陳郎墨守行千年

李宮人琵琶行

先皇金輿時駐蹕李氏琵琶稱第一素指
推卻春風深行雲停空駐晴日居庸舊流
水浩浩湯湯亂人耳龍岡古松聲寂寂歷
歷不足聽天鵝夜度孤鴈響露鶴月唳哀
猿驚鷓絃水晶絲龍柱珊瑚枝願上千萬
壽復言長相思廣寒殿冷芙蓉秋簇金鵬
袍香不留望瀛風翻浪波急
興聖宮前斂容立花枝羞啼蝶旋舞別調
分明如欲語憶昔從駕三十年宮壺法錦

清容居士集卷八

九

紅茸氈駝峯馬潼不知數前部聲催檀板
傳長樂晝濃雲五色侍宴那嫌頭漸白禁
柳慈烏飛復翔為言返哺明當還朝進霞
觴辭輦道母子相對猶朱顏君不聞出塞
明妃恨難贖請君換譜迴鄉曲

渝州老人歌

新城彭大雅集

渝州太守築城瞰江堅且牢月挂斗柄山
鬼號州民纍纍下江去蜀水入漢纔容舫
渝州何嗷嘈攀緣翠木參井高不愁灩澦
作人鮓但願浙米雲安去如馬憶昔彭太

守晚得一州大如斗征西將軍華表柱白
鶴不來猿狖守小兒舞榭紅離離大兒挽
車上棧遲渴飲古澗之層冰暮宿古松之
危枝渝江之水人馬瞬息渡排石列柵猶
支持年年草青記新曆不識烽火平安是
何夕赫日涌紅輪金雞飛報渝州民空梁
燕回候歸語小墻花發舒啼痕渝州老人
面如漆家住金陵年七十含辛老入巴江
路猶記墳前白楊樹前岡甕崩流後岡蚓
成丘社翁相詢傳父祖里婦驚猜訝吳語

清客居二集卷八

澆酒酌墳封四尺程氏之墳從此識君不
聞武擔之山五丁土歲歲春風啼杜宇

大雨醉歌 寄王特制

海風吹天黑嗟峨九衢積溜分江沱壞墻
群蟻上枯木方池遊鯉跳鳴荷侶聞南鄰
王學士閉門把卷工吟哦高張障泥倦行
水垂簾倚枕遊槐柯比鄰老生病無力玩
易忘象窮羲媧垂楊詵詵翠旄舞幽葵湛
湛朱顏酖憶昨祠宮醮雷所被髮繞甕揮
且訶縛茭搏泥肖龍狗巽酒噴霧刑牲鵝

寸雲在手不受令挾以風伯飛塵劇虛皇
神功絕聲色髯羊帖首辭巖阿君不聞夸
父逐日死飲河愚公避影跡愈多曹相畫
一日亡何草廬高卧梁父歌板築飛詔起
雲蘿百年兩曜如擲梭志士惜日鬢益皤
會須深泥絕行道免使褌襪之士肩足相
累摩

龍尾歌

送文子方著
調官雲南

朝辭龍尾道暮往龍尾城七尺遊龍當道
鳴春雪未解四蹄輕憶昔哀牢夷來漢賓

清容居士集卷八

二

蘭倉夜渡歌苦辛皮船之浪墨雲沈沈繩
橋之兩青泥湔湔登山採桐皮側見五粒
松手攀欲入口疑是沈木背坐慘澹悲回
風鳥飛不能住哀猿忽相逢旁有僂耳翁
為言太古之遺蹤諸葛丞相韋郡王村村
列祠堂瓢笙銅鼓群巫舞牛穀蘭藉羞瓊
漿六詔之王無曆紀唐帝傾師邊將死建
隆天子不用武王斧手畫大渡河兩股蠻
酋易馬來黎雅恣言茶錦不當價
神武皇帝開聖元雍獮窟穴張王官篚筐

歲入長安道賈客辭家不知老文著作聽
我辭去天萬里夷民疲織罽瀝猩血煎金
鑄裹蹠夜行碣門夷疾追平明出關面如
泥却來京師望塵拜簇金毳袍向市賣文
著作今典雲南之選部目光透牘提筆署
翦彼荆棘薰蘭當戶西南之人手加額太
史重脩考功格

月海歌

水國紅葉下萬山白嵯峨扶胥無垠接天
際望舒力挽沈金波人言老蟾那有光為

清江先生集卷八

三

借三足之鳥起熒煌烏已入地蟾在天此
說詎得然或言大塊蓬蓬氣為主浮空五
色神后輔顧菟在腹不得吐下入八瀛金
碧聚貝宮樓臺珠結戶穹龜前驅老蛟舞
千人之目皆在水各持一月得歡喜夜闌
斗轉銀河傾變滅消沉去無趾

敬亭歌

送鄭子寔遊敬亭

棗實纂纂羅衣單挹琴背日隨鴈還今年
六月居庸關馬蹴石子流彈丸曉渡灤河
水水渾不見底中有三尺鯉素書不成字

侶疑戒我慎出入五侯之鯖過客止羹覆
手爛將柰何仰視流光去如矢行路大難
歸樵空山或言山有虎豹嶺有榛菅歸漁
于河河有蛟鼉去將隨波舊家汲渠溝已
塞錢塘煙蕪歸不得敬亭白雲何離離二
僊霞衣坐翠微手持紫玉簫和以丹桂辭
大言泠泠小言纍纍勸子勿為道途苦幽
蘭深谷不當戶空青滿巖玉流乳手繪朝
元之圖萬神舞

秋江釣月圖歌

清容居士集卷八

十三

南山舞空趨翔鸞北山人立如啼猿長流
東來貫其腹謂是浙水屈曲萬丈之上源
大魚奔騰鰭鬣焦小魚委靡隨江潮中有
白玉蟾落落五采凝不消人言此蟾在天
主陰魄淪沒何為水中宅籊籊千尺綸蟾
永不受吞廣寒高居凌紫清日逐烏御不
得停愛此江水碧倒空浴影潛金精感君
纏綿如有素瞬息還須上天去君不聞任
公子東海投竿非小智又不聞嚴先生羊
裘古瀨成高名君家慈母占畢逋百尺樓

觀端可居黃金之鈎不復理明月年年在
秋水

二老歌

王景先省郎幼孤祖母及
其母鞠之今迎養京師

烏啼風滿窓機鳴月當房辛勤三十年護
此玉雪郎大母呼孫牀下讀阿嬭烹雞炊
黍熟黍熟不敢嘗命兒奉姑旁姑言春在
長安枝東風滿林深折之一折不得語再
折春牕牕白雲何相隨下馬忽在戶驅馬
還家上堂拜婦姑繡衫錦為帶長安之花
果如斗不辭看花飲春酒

三馬歌

東坡三馬贊本

羌水渾蜂解屯瑞至人率獸尊參以陳仰
天門龍為鱗炳虎文鬣悍獍效伏馴鑿鏘
鏘馳道遵帝乘虬相攀雲逝無留返崑崙
廬陵劉老人百一歌

昔聞寧皇嘉定時平淮如掌糧如坻襄陽
高屯十萬卒武昌金埒饒軍資四蜀環山
堆錦繡滔滔南紀喉襟首峨眉積雪不動
塵玉壘浮雲古今宙當年行都號全盛翠
箔珠簾爭鬪勝西湖不識烽臺愁北關已

絕強鄰聘寶慶天子來自外邸朝諸侯土
疆日窄邊庭憂大帥偃蹇藩鎮倖小壘推
剝租瘢稠春城絃管暗煙雨四十一年變
滅同浮漚咸淳太阿已倒持銅山之賊專
宮帷樓危金谷山鬼泣舸走白浪江神悲
老人年周一甲子

至元大帝車書合文軌每話承平如夢中
萬事東風過馬耳只今行歲一百一坐閱
天地同昨日秭歸聲苦紅葉翻邯鄲睡熟
黃梁失門前手種青桐百尺長笑指截取

清容居士集卷八

五

諧宮商少君荒唐方朔誕不如老人親見
深谷為高岸我孫之孫為玄孫翔鸞峙鵠
高下飛集駢清門憑公欲補先朝事濡毫
更作長生記

月鑑歌

騰騰玉兔光爬沙人言受日為精華又言
蟾蜍老不死側身躍入廣寒裏信知七寶
合無跡借取山河成戲劇衆人望月見盈
虧君今以月為準式我聞初生時纍纍星
爛不敢隨亦如男子墮地在文綵獨抱靜

性無邪歌亭亭三五超象緯雲從于龍魚
有水君臣得志何慷慨千古消沉竟相侶
須臾寒光海中匿山鬼悲吟虎狼藉華亭
聽鶴流年空北海牧羊深雪積我觀帝城
之月如玉輪團團的的無纖塵中有隱默
士範月為鑑驚都人大言穿楊葉小言貫
蠅肝太虛氤氲眇窮髮引酒高坐歌闌干

玉署鼇峰歌 答伯庸

女媧五色餘刀圭化為蓬萊東海之虹蜺
神君方瞳怒凝睇不如百鍊積鐵永從西

方奎日有三足烏其光映顧菟海有三足
鼇神山簸靈濤吐吞出沒無定時一叱使
之來玉墀大承虛皇小扶銀漢黼黻帝裳
追琢廟瓚森嚴龔鳳鎮帝署百鬼却走不
敢侮其或敢侮怒絕其緒粲若珊瑚枝燁
燁三秀姿文理密察儼素樸孚尹旁達藏
玄機我昔坐其側耳冷心彷徨經旬卧向
壁夜夢天孫手授雲錦交龍章漆書誥盤
傳古昔中有寶珠杳無跡散之六合捲如
席視之不見聽以息元氣氤氲龍馬興文

茲石點首詔爾小臣慶非煙霧出如絲綸
矢心濡筆靡有數萬古作式永無極

秋風歌 答子貞

七月霜清鴈南起美人亭亭望秋水鼇峰
石畔金蓮彫襍被中庭候行止至治丞相
歌堯民矢心前榻詞如雲平原黃低翠交
舞寶穡肅肅方調辛魏我虛皇傳令速萬
姓樂康真景福使臣覘言黍未熟八十一
車馬停足

東門行

清谷居士集卷八

七

神皇揮戈度黑河四廂捧日肩相摩金袍
珠縈帽七寶剖符帶礪功難磨年年舞馬
魚麗列宴罷玉帳經南坡嚴更傳警夜氣
肅貔貅千列環象馳華蓋西傾星散雪殿
前蘭膏猶未滅千金匕首肘腋生拉脅摧
胷慘凝血平明群兇坐周廬傳旨東西騎
交迭棄馬之邦身被繫執簡以朝筆猶舌
煌煌厚恩浹肌髓悲淚填胷痛天裂金繒
盈車內府竭虎視眈眈終一啞

廬陵海月道人歌

飄飄白玉丸空明歷落行雲端世人不信
之謂是太古圓缺相循環吾欲與子窮端
倪一葦巨浸無東西金精貫珠宮倒影流
銀泥飢蟾飲水不入吻五色吞吐成虹蜺
迺知山嶽積培塿巧遮世目如以手茫茫
水空輪載地行無垠置身浩蕩外光景常
如新吳剛持斧不得休沃焦日夜無停流
紛紛榮辱可柰何仰天一笑君當歌

聯句

東湖

清容居士集卷八

六

舊學蕪三史新居隘一廛煎熬魚煦轍奔
竄鳥驚弦擬整登山屐長伯須乘破浪船出

關塵已遠平德過埭意爭先歸舶攢桅聚長伯

浮梁斷鎖懸潮渾江葑没平德塍破岸藤纏

戍柵依樟密長伯官堤砌石平機閑蚕喚織

平德砧響鴈傳箋乍靜喧煩耳長伯猶欣輾轉

眠鶻橋華屋廢平德鵝匯曲河連稠實間農

具長伯齶巖絕竈煙急裝紅蔽膝平德辮髮黑

垂肩估客編文具長伯村家緯木棉生涯疲

剝割平德世路窘迤邐龕室休行客長伯郵亭

歎逝川平德 鞠鷹圍獵罷平德 聯騎縱遊旋路轉

分支港長伯 川明幻別天平德 鄴城花已暗平德 角

水恨空傳數埃搜唐刻長伯 題詩紀宋編會

堂夫子像平德 汲井隱居泉海眼藏龍窟長伯

山心射鹿田水鳴知棹急平德 岫走訝途遷

隱見崗巒近長伯 低昂橘柚鮮青山猶五里

平德 綠樹已千年歸犢如雲擁長伯 閒花侶火

然苧裳遊女淨平德 蘆管野伶妍繫纜披團

斃長伯 循溪捨竹篔簹徑香幽菊傲平德 土薄假

山偏燈火精廬古長伯 衣冠故物全登門論

子姓平德 對坐叙姻聯金魄篩窓影長伯 丹砂

養井淵螢飛光熠熠平德 鶴唳翼涓涓斗室

橫鳥几長伯 方床藉素氈魂清時入夢平德 意

得竟忘筌過墓成局戶長伯 導湖復扣舷滄

洲迷秀麥平德 真隱拱朱椽碧洞諸天杳長伯

蒼珉帝畫鑄梯危頻縮武平德 像寂且擎拳

紫府商霖歇長伯 丹書漢澤宣銅鋪苔暗蝕

平德 經度燕新穿倦鳥辭枯柳長伯 遊龜戴旱

蓮古奩開瀲灩平德 斜縠縐漪連淤塞菱排

劍長伯 洲乾蓼糝鈿官徵都尉粟平德 漁納水

清容居士集卷八

十九

衡錢王絕山靈泣長伯祠荒野老怜紙旗鄰

社鬧平德草六曲河填此去真聊爾長伯斯行

信偶然柏幽葳颯平德潭黑衮蛇蛇雅興

吻吻鹿長伯勞生跼跼平德為攬芳真啗蔗平德寫

絕擬和鉛轍跡蕪菁翳長伯麻綦杲耳緣貞

娥鬱龍虎平德胄相紹貂蟬宰木分神隧長伯

思亭列石遙風霜翁仲老平德香火釋迦專

楚些招歸魄長伯王官慨昔賢拜峰誰控勒

平德篆水自書玄屈曲東西路長伯縱橫南北

阡繁華眸轉電平德得失口垂涎絮酒悲宗

清容居士集卷八 二

老長伯囊經想地僊房温連梵唄平德市近接

腥膻破露生衣濕長伯登坡弱足胼卧牛遺

扁暗平德眠鹿繪容虔金刹從茲訪長伯塵纓

合少蠲伐山靈運躁平德衝雪子猷顛檜暖

蜂偷蜜長伯蘆寒鳥啄綿蟹稀螯數百平德樵

夥斧論干淡日收人影長伯空嵐漲土地蒲

葵遮望眼平德繭紙論吟篇除道家僮懶長伯

偷程地主儼蟻封徒曲折平德駒隙漫拘攣

碎石行行直長伯脩篁个个圓深藂驚雉翠

平德夾徑聳楠榿濯錦芙蓉艷長伯飄香桂子

駢雕楹回復道平德斜閣布陶磚刻畫功難

盡長伯暈飛勢欲翩奉常陳劍履平德尚服錫

紘延憶織鮫人網長伯惟凝罽國旃妖姝汗

粉頰平德土偶聳高觀祛石當時力長伯臨淵

昔日權只今留黑業平德何處覓幽禪燕領

風雲會長伯龜趺日月躔蛛窠緣袞服平德鼠

跡上朱邊累僕供朝沃長伯因僧進午餐佳

城蹲五鳳平德素業廢三鱣勝已窮蘭若長伯

名猶慕偃佺臺空霞珮冷平德殿寂羽幢蒿

觀主何年住長伯真官永世鍵畫梁誰復葺

清容居士集卷八

主

平德美蔭久頻脫木已非真李長伯僧宜賤壽

錢悲來雲冪冪平德恨極水潺潺重嶺蔽椒

屋長伯斜暉指蕙楊暫歸心未穩平德欲去眼

空眩憶昔窮誅闢長伯如今猛棄捐慈山名

轉赫平德困塙耻誰湔積翠林霏悄長伯流波

海月娟遠鐘催宿鳥平德橫笛掛烏捷拄笏

風騷長伯芻壺主僕牽情懷同黍醴平德臭

味比香荃圓澤休論舊長伯華胥復記前乳

彪號澗側平德哀紈嘯雲巔惇族盤殮盛長伯

通家笑語聞鳩鵲歸槩熟平德舴艋逆風沿

濟勝應難促長伯臨流且賦遄鳴夷歌逝矣

平德漁父卜終焉紫槿遮籬角長伯丹楓壓廟

堞鍊形金骨化平德團礎土砂堅破屋啼山

鬼長伯荒碑立老鷓歲時羞野賽平德水旱禱

靈尊西帝澄金宇長伯東湖鑄玉璿涼颺舟

泛泛平德晴日草芊芊射鴨縈長弋長伯義魚

擊短鉞酒廬橫矮甕平德屠几斫肥牲街市

僧袍麗長伯招虛販鼓簫登臨難婉戀平德想

像費平銓更欲南窺海長伯誰能北跨燕同

心雙繭緒平德徇俗走珠蟻朗鑒詞聯寫長伯

玄談茗更煎翱翔誠放浪平德匍匐類狂孱

已乏凌雲句長伯時思縮項鱖還家如夢寐

平德共點曉霞邊長伯

高九月望日送姊歸余氏先塋之廬登其

相余氏之興兆於此支壟為尚書二公墓

亦為佳兆十六日早發遵山行一書二公墓

拜外舅之終無考待制公守墓僧畏祇迎閉

借余庵舟過東湖上外曾祖忠宣公滄

洲堂故基懷忱久之舟上埭予與德公滄

行至相捨舟登葉夫所建寺後有洞像補

上五祖堂觀招魂辭暮抵鹿野拜勞是

清容居士集卷八 三

夕德平抱兒相過種德拜廣正獻公墓

是讀日楊文元公碑庵僧洒然非遊大慈庵七
山有僧年七十餘能道嘉定紹益重間遠事
示忠宣公所製滄洲堂上梁文益重遠
想拜八日獻王墓歸復宿鹿野已嚴君命
以十感復留宿詩成凡一百二十韻繁
翁病瘡悉紀于詩詞雖不一二然二十人韻繁
華之感慨復悉紀于詩詞雖不一二然二十人韻繁
緝之勤有不丑十月某日好遊者用
識于後云己丑十月某日好遊者用

遠遊

海鵬跨南雲一去扶浩蕩宛駒踏北雪絕
足追罔象宵征車載脂長伯明發燈在幌行
邁念悄悄離愁懷養養違吳始接浙聽過
越類指掌虹綢結遐思羯鼓促新響觴至

清容居士集卷八

五

不復辭長伯駕逸誰能仿明堂企棟梁武庫
輸篠蕩氣合芝蘭芬聽學媿蓬麻長大施
朱弦清小薦金莖沆雲間鶴孤唳長伯天外
鴻橫上曉舫斲層冰午店憇平壤追攀瞰
煙濤平德涉歷走塵鞅長淮橋蟬竦薄霧表
驪驥風臺牛一鳴日觀雞三唱團桑沃如
蓋長伯宿草亂若襁青帘客沽酒素鬣漁叔
網心歡沂泗流眼豁恒岱爽追程騎侵星
勸耕農植杖俗厚喜豐登聽氣俠存慨慷
伊河既東流維斗復北仰誰云風土殊始

覺宇宙廣骨聳終超騰神清何懍悅鈞天
夢非真長伯廣寒步空想銖衣入閭闔芥粒
視北垞千官紫府榮九奏彤庭袒擣文剪
金炬平德展采簇天仗清都踰咫尺弱水漫
方丈絳旂雲霧開寶扇日月晃仁聲被八
表長伯德意蘇群枉泥檢極封崇芬苾嚴肱
嚮瑞氣藹重重泰階瞻兩兩馳峰出天厨
裏蹠錫中帑鳴珂接俊彥平德正笏嫉偏黨
德人笑採芝逋客棄拾橡茅拔要有方矢
來本無嚮湘纍但瑰詞長伯越相僅金像遭

讒氣徒憤得計身何往豈如及承平相與
窮昭朗君行步飄飄我滯心悒快輕霜着
衣帽微霰點草莽離歌起蒹葭平德古製出
盆盎先登匪十獲後至激孤獎城南燈火
深塞北音書睚東風漸披拂臘水初澆滢
詩成愈加險酒盡未為彊雙眸秋水烟累
語春波盪經行度崎危長伯交友希倜儻羈
遊棄楚荒遠客憐齊僖光陰尺璧重事業
千金賞平德行還鴈塔題復覩鴻都榜時來
戒步窘事至勿技癢脂韋本凡近鐵石乃

忠讜詞林納疵美書田課荒穰列僊會儒
癯群仕趨吏駟陸生彊咿憂陶令終骯髒
貞心百壬避正色上帝享徒為捧心施莫
學畫眉啟功名要無心造物端有相行行
遂初志作事記疇曩

望洞庭山

海嶽雄前武乾坤入壯懷地臨區澤左平德
洞接蜀山涯玄甲呈神禹長伯靈鼇琢女媧
岫橫青一髮平德水引玉三义鴈翅連雲暝
長伯雞聲帶雨喑輕煙滋土脉平德激霧潤蔬

清容居士集卷八

三

茨橋熟金分穎長伯鱸肥玉饌鮭稻田碁布

局平德草舍篆書齋塔正狂瀾轉長伯圩增古

岸差畫船誰白傅平德香徑獨吳娃伏翼疑

銀乳長伯遊鳧訝翠鞵苑存麋鹿過平德石老

鬼神霾野火分星位長伯剛風直帝街浪高

驚接漢聽天闊欲吞淮鐘遠春聲隔長伯歌

長艣韻諧靜依村社樸平德閑厭市塵哇往

事滄浪古長伯輕裘笠澤佳鷓夷竒策遠平德

季子宿情乖鈿壁銷朱戶長伯香風墮綠槐

卧遊包景象平德目送樂形骸尚憶禾生蟻

長伯誰憐竈產鼃江湖終漫浪平德歲月敢安

排語盡情如客長伯杯深醉近俳黑頭宜紫

闥平德白眼笑青網門掩雲生室長伯庭虛葉

響階墨花浮鴈字平德燈粟綴蟲釵急吹鳴

笙籟長伯同雲屑豆稽行行從此地平德去去

勉吾儕轡聳王良御長伯帆凌博望查會須

攀絕境岸幘訪丹崖

秋雪九月十四日
伯長伯庸

白帝欲返馭玄神已先驅南山黯遐睇西

館阻清飲刻雲環珮雜剪水瓊瑰敷金英

清容居士集卷八
五

受剛絜丹桂遭糝塗高標變鬢髮爽氣通

微軀群陰孤陽儻積素五采腴路脩天鵝

疑穴覆野兔呼蟬猶抱殘槐鴈仍驚折蘆

澠瀼露莖溜空清冰柱酥或云勢已盡又

言理非殊先時明堂嚴薄刑蓐收誅浮華

敵春嘶斂實倅冬輸慘立各動色沉思儼

徐趨鴻鈞轉橐籥緹室潛葭莩觀物昧休

微永歌啓貞符

又九月十五日
德平伯長繼學

金神縮光澤水妃表玄英西郊散冰粟北

戶垂珠璣三登發重瑞六莖凌孤清白歲
縞衣舞顛氣霓裳呈楚客迷望眼羌戎候
軍聲桂粉靈杵飛穀精露囊盛降霜鄒子
憤停日陽侯爭澄霄鶴失頂空江鷺搖晴
菊貞返素朴木落超空明鏗鏘商籟諧大
小藍璞成蕎花贖壟畝梅蘂光檐楹初疑
蚊蚋集漸覺鵝鸛迎漢盤結夜灑韓堂滅
宵繁陽和趣報社嚴凝儼書正掩袂青女
避沾巾素靈驚擊鷹眩莽蒼樹羽登崢嶸
長楊散旗屋五纛增門閤絮團柳殘葉鹽

裏荷留莖鉛飄孀娥匣旄落少昊旌并梧
炫銀牀庭櫻轉珠纓萬入西帝遊六變坤
母寧初驚遽然至忽訝乃爾輕單衣亟搗
素黃裳倏飄瓊陶姬却帳暖唐皇咽簫橫
昊天有正命殺氣何橫行沈沈宸居肅兩
兩台階平朔吹偶先集澤雷久歲鳴碩果
理固在飛葭澹無營

槍竿嶺

伯生

伯長

伯庸

有嶺名槍竿其上若棧閣白雲亂石齒青
峯轉帘脚積冰太古陰出曠無底壑馬飲

沆瀣泉鷹盪扶搖幕轍跡委垂紳人聲發
虛橐鳥飛接鳥背羽沒疑虎鞞霧松秋髮
長霜果春頰薄升樵不知疲獨徃端有愕
兢兢矛頭浙扞扞井口索凝睇見日觀引
手探月廓南下眇塵海北廣絡沙漠金橋
群僊迎玉幢百神鑿禽鳴蜀帝魂鐵鑄石
郎錯鈎鈐挂闌干攬搶斂鋒鏑屬車建前
旄馳道徇嚴柝載筆三人行弭節半途却

送曾編修

伯長

繼學

竒鶴慕南雲俊鶻欣北雪行藏龜左顧去

清容居士集卷八

天

住坂九折纂書墨兵從擬制銅史挈佩委
松籟回冠莪星光徹埽花窺日輪并藻旋
風鐵歸思紅葉高家憂紫荆裂晨裝發五
兩夕祖謝駟馘沙明石痕瘦川遠梳影列
吳歌導鷗舞楚製慘鶉結汀葭青女臨岸
橘黃人揭組練危瀑懸簫磬古灘咽詩箋
江神幻目送山君別烟烟鴈集洲挺挺鸛
鳴垵賈颿魚貫直僧屐鷺飛滅前坡指迎
帽舊墓拜表碣明知紹世譜詎肯逐宦轍
兒孤文襁昏女乳粉鈿涅深思振鴿原後

胤超鳳穴過都塊非歷去魯浙豈接歌驪
念睽違瞻蟾數盈缺

李成古木

層陰舞玄蛟積溜落銀繭迸空太古枝

長伯

側石千歲蘚寒柯紐交樛霜枿釋餘法

學

俯憐巖壑幽仰矚雲霞淺雄姿虎當嵎鍛

翻鶴立巘長身屈迴紋曲盖表繆篆矯矯

却岱封昂昂陋桐剪初疑居移鄙漸覺坐

闕鮮靈光魯國歸屈軼虞廷彥蔽牛我當

容化羊君莫辨山霾養洮沐窓霧勤澡鬢

清容居士集卷八

三

直非龍鬣觸勢若鹿角偃瀟騷閱馳颺

悅集微霰玄黃馬師遺丹青犧尊醜采苓

乃夷猶卧雪何輾轉

清容居士集卷第八

